



江府志 圖經



				漢書門
		二	三	類
		九	五	
		一	三	
二	一			
四	架	函	號	
冊				

內閣文庫			
九	二	三	漢
函	四	五	書
冊	架	號	類
七			

內閣文庫	
番號	漢 2353
冊數	24 ( 2 )
函號	292 17








凡例

一壤地繡錯圖繪難工惟元人朱思本計里畫方之法什得八九今倣其式為之前志累牘連綴者悉歸尺幅之

中庶開卷瞭如

一經界賦役為政先務自明隆慶初履畝均糧至今便之今攷經賦舊冊以稽其始而賦役全書及四縣土田稅糧科則悉詳著之

一題名以備攷稽故職官科目俱載自本年止立傳必俟久而論定故顧志成于正德壬申而名宦人物迄于成化陳志成于崇禎辛未亦議立傳自嘉靖止今倣二志





之例自

本朝定鼎以來概未立傳以俟異時撰錄焉

一名宦自守令以外必有功德于斯土者乃爲立傳前志宦蹟或與史傳未符者今竝不錄

一人物自名臣至仙釋爲目有八其顧志孝友節義陳志旌義割股之類並以獨行該之或一節之美有可稱者皆入遺事中

一人物傳皆以正史實錄爲據舊志所列或本非郡人或事蹟稍晦者俱不敢載

一鄉賢崇祀載在學校志名臣祭葬載本傳及冢墓志

復重見其立傳已詳者墓誌表銘亦不重載

一壇廟惟在祀典者則書餘皆附寺觀後存其舊以備攷而已

一前賢著述倣史家藝文志列其書目姓氏若題序品評多不勝載今竝從省

一詩品書評畫苑自可單行故不贅存

一碑記書疏有切政事詩賦雜著足備稽覽者皆隨類附入其采錄亦同立傳之例惟當事所撰及章奏皆載自本年止

一災祥止紀境內遺事亦有義例與說家泛載者不同故



此二條所存彌簡

一修志貴在詳覈其猶有關者或疑而無所攷或慎而夫  
敢書以俟增定

松江府志目錄

卷圖經

卷之一

沿革年表

分野

疆域

形勝鄉保附

卷之二

山

卷之三

水

卷之四

土產



卷之五

風俗

戶口

卷之六

田賦一

卷之七

田賦二

卷之八

田賦三 華亭縣

卷之九

田賦四 婁縣

卷之十

田賦五 上海縣

卷之十一

田賦六 青浦縣

卷之十二

田賦七 稅課荒政附

卷之十三

徭役

卷之十四

鹽法



卷之十五

水利上

卷之十六

水利下

卷之十七

城池

坊巷

橋梁

市鎮

卷之十八

官署

卷之十九

學校上

卷之二十

學校下

卷之二十一

兵防

卷之二十二

倉廩

驛傳

卷之二十三

壇廟

卷之二十四

第宅



卷之二十五

塚墓

卷之二十六

寺觀上

卷之二十七

寺觀下

古蹟

卷之二十八

守令題名上

卷之二十九

守令題名下

卷之三十

學職題名

卷之三十一

名宦一

卷之三十二

名宦二

卷之三十三

名宦三

卷之三十四

名宦四



卷之三十五

科目一 進士

卷之三十一

科目二 鄉貢

卷之三十七

科目三 歲選 薦舉  
徵辟 武科

卷之三十八

封爵 封贈 錄陰

卷之三十九

各臣一

卷之四十

各臣二

卷之四十一

各臣三

卷之四十二

各臣四

卷之四十三

獨行

卷之四十四

文苑



卷之四十五

隱逸

卷之四十六

藝術

卷之四十七

流寓

卷之四十八

列女

卷之四十九

儒釋

卷之五十

藝文

卷之五十一

災異

兵燹附

卷之五十二

遺事上

卷之五十三

遺事中

卷之五十四

遺事下



松江府志目錄終

舊志攷

雲間志三卷

宋紹熙間知秀州華亭縣事倡緋楊潛饒州府學教授

胡林卿信州學教授林至監太平惠民南局朱端常修

嘉禾志三十二卷

宋嘉定間嘉興府知府岳珂修元至元戊子秀州路經

歷單慶同郡博士徐碩重修前進士唐天麟里人郭晦

序

松江郡志八卷

元大德己亥松江府知府張之翰同府學教授劉蒙修



謂之前志

續松江志十六卷

元至正十七年華亭儒士錢全袞修吳興錢震較正

吳郡志五十卷

洪武間吳縣學教諭盧熊修翰林學士承旨宋濂序

新志三卷

永樂間松江府學訓導魏驥奉詔修正統間教授孫鼎

增刊

雲間通志十八卷

成化九年郡人錢岡修松江府知府自行中序

松江府志三十二卷

正德壬申郡人翰林院侍讀學士顧清修并序

華亭縣志十六卷

正德辛巳郡人翰林院編修孫承恩修并序

上海縣志八卷

弘治十七年邑人唐錦修翰林院侍讀學士王鏊序

上海縣續志八卷嘉靖三年前進士知上海縣事鄭洛書

修翰林院編修徐階序

上海縣志十卷萬曆戊子邑人浙江按察司知事張之象

修



青浦縣志八卷

萬曆丁酉郡人陝西布政使司右叅議王圻修并序

松江府志九十四卷

崇禎辛未郡人陳繼儒修應天巡撫曹邦衡及松江府

知府方岳貢郡人董其昌序

上海縣志八卷

崇禎辛巳縣人顧林刻

華亭縣志十六卷

崇禎壬申縣人顧林刻

松江府志三十二卷

修纂姓氏

松江府知府郭廷弼

同知彭可謙

陳計長

通判陳瞻遠

張憲仲

推官王于蕃

松江府儒學教授周建鼎

郡人包爾庚

楊枝起



宋徵輿

張安茂

朱紹鳳

王廣心

陸振芬

顧大申

張一鵠

朱錦

葉映榴

謝廷楨

錢德震

陳章

林子襄

叅訂姓氏

華亭縣知縣嚴士騎

馮賡

婁縣知縣胡思虞

張顧恒

上海縣知縣陳以恪

青浦縣知縣潘嗣德



松江府儒學訓導署金山衛學事黃中亨

華亭縣儒學訓導署婁縣儒學事鄭之彥

上海縣儒學教諭曹忱

青浦縣儒學訓導楊開第

華亭縣儒學訓導廣陽楊體元

郡人宋徵璧

張壽孫

徐鼎

周茂源

何鏗

袁國梓

許纘曾

施維翰

沈荃

王日藻

董含

諸嗣郢

何友晏

莫廷



督工

松江府經歷 司經歷張嚴

知事錢達

照磨 所照磨蕭起龍

吏書馮維禧

沈汝枚

徐履泰

松江府志圖


志之有圖尚矣或攷諸志弗合也以圖按圖宜若符節然  
 而經國制野犬牙相錯郡邑分繪左右易向矣遐邇錯綜  
 幅員不侔矣志以徵信而或乃得疑一致者易工雜探者  
 難巧也於是乎形不取其裁整法不泥其適均以圖郡邑  
 澤國土田資潤江湖其流也有源其趨也有向于是乎溯  
 其離合法禹貢導水之意以圖水利形勢所關實維戎索  
 威遠以畧制勝以時于是乎述要害列軍埃具水陸俟夫  
 因地利者用之以圖海防而以城池寓民寄峯泖脩名勝  
 始于建置以考古終之里聚以準今焉



歷代建置圖

松江府志

圖經



上海縣  
元至十九年置

黃浦

舊前  
梁大同初置  
在府城東南  
八十甲今十  
九保地

舊青浦縣  
今青龍鎮  
明嘉靖二十一年置

青浦縣  
明萬曆元年置

松江府  
唐天寶十載置  
至元十年陞  
為府屬嘉興  
路十五年改

舊崑山縣  
梁大同初置  
唐大寶  
初載移治  
馬鞍山

舊由拳縣  
秦置  
隋移  
治

舊海鹽縣  
秦置  
拓湖

舊胥浦縣  
梁大同初置  
在胥浦鄉

舊崑山縣  
秦置  
在崑山今縣界



馬鞍山  
今名崑山

松江府志

圖經

建置





松江府境圖 每方十里


東至海一百里

東南至海九十里



華亭縣婁縣境圖 每方十里

華婁分境其城內東南隅屬婁縣餘屬華亭東關至上海界俱屬華亭南關浦北官紹塘以東屬華亭西屬婁縣浦南自米市塘鄉界涇陳涇南至金山衛城中分抵海岸東屬華亭西屬婁縣西關至古浦塘青浦界俱屬婁縣北關附城西至采花涇一帶屬華亭西北屬婁縣迤東北自洞涇至泗涇七寶鎮浦涇塘南岸東與上海界者俱屬華亭西界者俱屬婁縣與青浦界者俱屬婁縣而接換相錯附城尤多交互尺幅中難以詳析舉其大概如此



東南至善村所大海九十里柘林堡大海七十里



西南至浙江嘉興府與平湖縣界七十五里

華亭縣境





上海縣境圖 每方十里

東至海岸七十里

府州蘇至北

東南至華亭界七十里

四



西北至蘇州府嘉定縣界三十六里

西至西華亭縣界六十三里  
西至西華亭縣界六十三里


西南至華亭縣界七十里

南至華亭縣界七十里




青浦縣境圖

每方十里 上海縣橫涇分界







蘇州府城圖

蘇州府城

蘇州府城

蘇州府城

蘇州府城




松江府治圖 華亭縣婁縣附郭

北俞塘東過盤龍塘  
至上海界出黃浦  
洞涇東北通泗涇七  
寶鎮為府城至上海  
通津

南俞塘舊通鹽鐵塘  
東出上海界黃浦今  
惟洞涇一道為東南  
出浦通津


南門出浦水道一從  
官紹塘一從米市塘



通波塘  
北為顧  
會補入  
吳淞江  
折而西  
入橫泖  
抵青浦  
縣東關

雲間  
運所  
西關之水折而北為沈涇塘又西北為柘澤  
塘抵青浦南關其西為古浦塘入大泖西南  
接秀州塘通浙江嘉興府

水次  
倉城






上海縣治圖


松江府志

圖經

東城濠水道  
皆通黃浦



北城濠水  
入北長浜  
由滬濱大  
盧諸浦通  
吳淞江今  
江流壅塞  
俱為平陸  
北至嘉定  
多從陸道



肇嘉浜西南通蒲漚塘至七寶鎮今  
皆淤塞自縣至府悉從龍華港轉人  
浦漚塘過水涸時則七寶以東舟行  
艱澁多取陸路

松江府志


圖經

上海治



青浦縣治圖

大盈浦  
北入吳淞江



趙屯浦西北出吳淞江南通澱山湖舊為入江五大浦之一今惟通北曹港其湖道已淤



曹港北岸自古塘橋以西皆屬崑山縣界

北曹港西南通澱山湖又從斜瀝接南曹港皆湖水入江道








水利圖二 諸水



葑澳走馬古浦三  
塘之水並東南入



自踏開河以北大石浦  
以西俱屬蘇州府崑山  
縣界

自急水港西北俱屬蘇  
州府長洲縣界

自南沙三白蕩以西俱  
屬蘇州府吳江縣界

自白牛塘以西俱屬浙  
江嘉興府嘉善縣界



北入吳淞

吳淞江至此與黃浦合



浦滙塘東出  
龍華港入浦

按泖澱浙西諸水舊俱過府治北入吳淞  
江自江流壅塞乃開范家浜導浙水從黃  
浦入海自是以後浦北浦西及泖澱諸水  
亦皆東南入浦不復入吳淞江矣祁以東  
滄澱以西江水既日微而潮沙淤沙壅為  
平陸支渠益復湮沒故府之北境歲旱則  
涸滴絕流歲潦則停滯而無所宣洩水利  
不修田農大病今且西北之水皆自通波  
沈涇諸塘南下郡境水道無復入江舊跡  
矣列此圖者以見吳淞江故道不可不亟  
復也

南北俞塘  
舊俱東出  
黃浦

蘇州府崑山縣界







水利圖四 西南自當湖長泖來入浦諸水張  
 涇以東屬華亭張涇以西屬婁縣




水利圖五 盤龍以東下沙 以北通浦諸水



本江所系

三



本江所系

圖涇

一四

水利



海防圖



自縣至川沙陸路渡浦由張角棚共五十里水路一由白蓮漚一由馬家浜俱五十里  
 自縣至寶鎮陸路由東溝水路由黃浦各五十六里  
 自縣至吳淞陸路由江灣二十六里水路由黃浦出海口五十里

上海至南匯陸路由川沙九十里水路由黃浦入杜家行一百里  
 南匯所  
 青村五墩  
 四墩  
 三墩  
 二墩  
 一墩  
 本所船塢

青村五墩  
 四墩  
 三墩  
 二墩  
 一墩  
 本所船塢

府城至川沙陸路由七寶上海渡浦經張角棚共一百二十里  
 水路由黃浦入周浦塘共一百二十里

府城至南匯陸路由呂蕩廟行過開港渡經新場共一百里水路由黃浦入杜家行共一百十里

府城至青村陸路由鹽鍊塘渡一由閔行渡俱從南橋一村壩各九十里水路從泖涇鹽鍊塘壩湖涇南橋塘共九十五里


府城至吳淞陸路一由泗涇過南翔六里一由泗涇七寶過真如大場一百一十五里水路一由泗涇南翔共一百五十六里一由黃浦出吳淞海口共一百七十里

府城至柘林陸路一由鹽鍊塘渡從葉謝南橋一由閔行渡從蕭塘南橋俱六十三里通泖涇水路由泖涇鹽鍊塘共七十二里

自金山衛沿海迤東北至寶鎮堡凡二所三堡相距各五十里而近

衛城南對金山山之西為羊山山形四圍中如一大湖可容數百艘湖口而北山有十八巒巒有一池其泉獨淡昔年倭寇憩息分隸之處

海防



府城至川沙陸路由七寶上海渡浦經張角棚共一百二十里  
 水路由黃浦入周浦塘共一百二十里

府城至南匯陸路由呂蕩廟行過開港渡經新場共一百里水路由黃浦入杜家行共一百十里

府城至青村陸路由鹽鍊塘渡一由閔行渡俱從南橋一村壩各九十里水路從泖涇鹽鍊塘壩湖涇南橋塘共九十五里

府城至吳淞陸路一由泗涇過南翔六里一由泗涇七寶過真如大場一百一十五里水路一由泗涇南翔共一百五十六里一由黃浦出吳淞海口共一百七十里

府城至柘林陸路一由鹽鍊塘渡從葉謝南橋一由閔行渡從蕭塘南橋俱六十三里通泖涇水路由泖涇鹽鍊塘共七十二里

自金山衛沿海迤東北至寶鎮堡凡二所三堡相距各五十里而近

衛城南對金山山之西為羊山山形四圍中如一大湖可容數百艘湖口而北山有十八巒巒有一池其泉獨淡昔年倭寇憩息分隸之處

海防



峯泖圖


郡內山川惟崑山谷水及細林山見于昔賢稱述至元峻岩始有九峯之咏以鳳凰山為首次陸賈山余山細林山薛山機山橫山千山崑山細林一名神山千山一名天馬故諺云鳳陸余神薛機雲天馬崑也三泖者圓泖大泖長泖隨地異名實則一水蓋谷水之舊矣

鳳凰山南為庫公山庫公隔溪為幹山幹山北為福泉山在細林東北為為盧山橫雲之東為小橫山又東北為鐘買山與盧山相望皆不在九峯之目





松江府志  
鄉保市鎮圖 每方十里




四縣分境以雙線為界各鄉以粗線為界各保以細線為界

松江府志

圖經

十七

鄉保





右圖凡一十有六

歷代建置圖

松江府境圖

華亭縣婁縣境圖

上海縣境圖

青浦縣境圖

松江府治圖

華亭縣婁縣附郭

上海縣治圖

青浦縣治圖

水利圖一

水利圖二

水利圖三

水利圖四

水利圖五

海防圖

峯泖圖

鄉保市鎮圖

松江府志卷之一

建置沿革

松郡見史策以來亭而縣縣而府地望日隆而離合損

益之故諸志備矣會而聚諸首使觀國者稽焉顧志

自秦而婁以縣名所隸頗廣松郡故婁一亭地也六代

偏安建置無定蕭梁常析為兩邑而唐季財賦獨仰給

江淮故會昌中列于上縣迨元既建府復析縣為二明

則析為三

本朝又析為四事不可省而多其官亦時勢使然哉攷歷

代沿革之跡著于簡端夫亦曰幅員猶是也而用之亦



已勤矣

松江古揚州之域帝顓頊區天下為九州自江以南至于海曰揚州唐虞三代因之禹貢在要荒之服三江既入其一為淞江此郡名所本也周泰伯仲雍托采藥而逃荆蠻號句吳句猶於也至五世孫周章武王即其地封之松江為吳地吳自壽夢益昌大始築華亭為停留宿會之所華亭之名著于斯矣周元王時越滅吳地屬越顯王時楚滅越封春申君于故吳城地屬楚秦始皇罷侯國置郡縣會稽郡治吳領縣二十四松江為婁縣地秦以前縣大于郡周敬王時置長水縣始皇東巡望長水有天子氣令囚徒十萬人掘汚其地更名由拳見于寶搜神記然越絕書載由拳塞為吳備侯之塞其名

已在始皇前又始皇時長水縣陷為谷目為谷水方輿勝覽曰谷水出吳小湖經由拳故城下則知婁跨由拳長水地矣漢高帝封從兄賈為荆王更會稽郡為荆國後以封兄

子濩為吳國國除復為郡王莽改婁縣為婁治光武中興仍為婁縣隸會稽順帝分浙以東為會稽郡還治山陰浙

以西為吳郡領縣十三婁隸焉獻帝建安二十四年孫權封陸遜為華亭侯明年進

封婁侯蓋自亭侯進縣侯也時華猶以亭隸于婁矣孫皓時分吳郡為吳興郡晉武

帝又分置毘陵郡元帝改吳郡為吳國置內史宋初仍為吳郡雖封境名號屢更而婁隸吳如故梁武帝天監中置信義郡治常熟省婁縣入焉太清中改吳郡為吳州尋復為郡大同初析故婁地立崑山縣治在今華亭地析海鹽東北境



置前京胥浦二縣尋省胥浦入前京

前京在今華亭東八十里以地近京浦故

名胥浦在今婁縣西南胥浦鄉其地有壇步平江花緒等名又侯景嘗以前京並海鹽立武原郡事見梁書 陳

初以崑山前京屬吳郡尋立海寧郡以前京隸之後三分

吳郡置吳州以海寧隸之隋文帝罷吳州及信義郡改吳

郡為蘇州而以前京入常熟後復置崑山縣隸蘇州大業

中復為吳郡唐武德四年杜伏威以其地降復改為蘇州

九年析前京地入海鹽天寶元年改蘇州為吳郡十載吳

郡太守趙居貞奏割崑山南境嘉興東境海鹽北境立華

亭縣移崑山縣治于馬鞍山華亭始自為縣

按今平湖尚存華亭鄉係

海鹽分隸則居貞所割北境止還華亭故地而猶未盡也姑蘇志又云長洲亦割地入華亭

至德二載

復改吳郡為蘇州大曆中改為雄州建中元年復名蘇州

縣隸如故會昌四年陞華亭為上縣僖宗幸蜀為海寇王

騰所據錢鏐遣顧全武攻拔之地屬吳越以蘇州為中吳

府置開元府于嘉興以華亭隸之後罷開元府華亭隸中

吳後晉天福四年錢元璪奏以嘉興為秀州華亭屬焉自

是不復隸蘇矣宋神宗改秀州為平江軍徽宗改為嘉禾

郡尋復為秀州寧宗以州為孝宗毓聖之地陞為嘉興府

元世祖至元十四年陞嘉興府為路陞華亭縣為府屬焉

時以縣有萬戶者為州華亭戶登二十三萬故立為府領華亭縣

十五年改為松江府至

元二十九年從知府僕散翰文議割華亭東北五鄉立上



海縣

上海故稱華亭海宋末海舶輻輳即其地立市舶提舉司及權貨場為上海鎮以地居海之上洋亦稱上

洋泰定三年罷府以兩縣屬嘉興路立都水庸田司于府

治天曆元年罷司復為府元末為張士誠所據明太祖吳

元年遣左丞相徐達討平之洪武中以松江府直隸南京

領縣二曰華亭上海尋于南境置金山衛領千戶所六嘉

靖二十一年巡撫都御史夏邦謨巡按御史舒汀奏割華

亭上海地建青浦縣于青龍鎮三十二年廢

以給事中朱某言罷之

萬曆元年兵科都給事中蔡汝賢疏請復縣巡撫都御史

張佳胤覆議從之移治唐行鎮

青龍自唐以來為巨鎮宋設水監于此治水利兼領

市船并設酒務今沙長水湮遂為斥鹵改治唐行就水利也蔡汝賢疏略曰華亭編里八百三十有疇上海編里

六百二十有疇訟獄浩繁財賦淵藪止設二縣勢有不及

事有不周田地拋荒錢糧逋負先該撫按題請分割二縣

保里添設青浦縣專一開墾荒田催徵國稅漸有條里民

其便之亡何怙勢之家不利于已倡議廢革至今唐行一

帶擴為丘墟官稅逋欠有司催比不及反將全徵近區之

民以賊遠區之欠奈之何民不窮且困也近復權立水利

廳令本府管糧通判兩縣管糧縣丞各在彼駐劄催糧不

知各官歲運部糧在縣且有不給何暇及青浦哉今此三

百里之民掛名府廳仍赴二縣比較互相影射逋負益多

誠于國計無補伏望敕下撫按照原設青浦事例斟酌舉

行分割里保務令遠近適中荒熟相兼毋貽民患歲供錢

糧除兌軍外俱聽存留支銷暫免一二年編解北運以紓

-2 106 34 895" data-label="Text">

民困又當明示開荒小民三年決不起科如此則所費

有限其益無窮水利可興荒田可墾矧然成一保障矣

本朝順治二年平江南改南直隸為江南省府仍隸焉十

二年知府李正華建議以華亭田賦百萬非一令所能經

理請分為兩縣巡撫都御史張中元具題十三年奉



旨建婁縣分華亭縣風涇胥浦二鄉及集賢華亭修竹新江四鄉之半初設治于水次倉十七年知縣王有極遷于府治之北今府所領華亭婁上海青浦凡四縣

順治十六年工科給事中陳台孫分縣徒增煩擾疏畧曰分縣之初照糧額中分不計田畝荒熟婁屬荒瘠居多水旱偏受其害舊逋如故新賦難徵不便一分縣之後兩縣各有差徭于是里無不役之民民無不役之日貧富不能相通勞逸何由互代不便二分縣造冊奸吏那移甲乙隱射侵漁弊既百出而增一縣之官則衙役又增一倍或舊縣作奸既露因復竄跡新縣狡窟無寧不便三至于學校庫獄皆同寄寓因循則草率而非體新創則時詘而舉羸以及上司之文移亦為頓增甚且軍機之緩急互相推委種種不便難以枚舉請 敕歸併言甚切至下督撫議巡撫都御史朱國治以事屬已行覆奏報罷

建置沿革年表

唐	帝	項 顓	歷代分隸	府	華亭	婁	上海	青浦	金山
揚州	揚州	揚州 <small>始置九州 自江以南 至海為揚 州南裔</small>							



虞	夏	商	周
揚州 <small>時置十 二州</small>	揚州 <small>禹貢九州</small>	揚州	揚州 <small>駸方九州</small>
	禹貢三江 其一曰淞 江府名本 此		
少康封于 無餘國流 於越春秋 時始造境 至此		康王築金 山城以鎮 大海徼外 本此	

敬王	元王	顯王	五年
三十年七年 吳 <small>太伯五世 孫周章始 封國</small>	十三年 越 <small>句踐滅吳 吳入於越</small>	三十年五年 楚 <small>威王滅越 越入於楚</small>	
句踐入臣 於吳夫差 以地封之 至武原卽 金山池			



年	十一	六年	二年	六年	秦 始皇
		漢 高帝	東楚	項梁起兵 有其地稱 三楚吳地 爲東楚	分天下爲 三十六郡 會稽郡 婁縣屬會稽
		荆國 封劉賈爲 王都吳			婁東南境 海鹽北境
		賈爲英布 所殺國除			婁
					海鹽北境
					婁縣境
					海鹽徙治 爲湖 尋陷 原于武

年	十二	年	前三年	武帝	元封元年	光武	漢
	吳國 封劉濞 爲王	會稽郡 濞反國除 復爲郡	揚州會稽郡	始置十三 揚州會稽郡	元封會稽郡 領縣二十 六仍治吳	初并省爲 揚州十縣道後	會稽郡仍爲十三 州



順帝 揚州 分浙江以  
西為吳郡  
永建 吳郡 領縣十三  
四年

獻帝 揚州 孫吳分  
建安 吳郡 五州  
二十 四年

吳 孫皓 分吳郡會  
稽為吳興  
寶鼎 郡  
元年

晉 武帝 揚州 分天下為  
十九州  
太康 吳郡  
元年

二年 分吳郡置  
毘陵郡

元帝 吳國 置內史行  
太守事  
建武 元年

宋 武帝 揚州 罷吳國仍  
為郡領縣  
十二  
永初 吳郡  
二年

孝武 南徐州分二十  
帝 大明 吳郡 二州  
七年

婁

婁

婁

婁

吳大帝造  
青龍戰艦  
于此因名  
青龍江今  
舊青浦地

婁

婁



松江府志

八年揚州吳郡改屬

齊揚州吳郡

梁揚州分二十吳郡三州

武帝揚州信義治常分吳郡置天監信義郡熟省婁縣六年入焉

婁

婁

省婁縣入信義郡

大同元年揚州吳郡

太清三年吳州改郡為州

析故婁地崑山志云崑山故治在華亭

崑山

析海鹽地今華亭東南婁南境上海縣地

前京

前京縣地

析海鹽地今婁西境

胥浦

省地尋

崑山縣地

前京縣地

松江府志



簡文  
帝 揚州改吳州  
大寶 吳郡後為郡  
元年

陳  
南徐州分四十  
吳郡二州

武帝  
永定  
二年

崑山

前京

崑山

揚州 割鹽官海  
海寧郡 鹽前京屬  
之

前京

後主

禎明  
元年

吳州 分吳郡置  
州海寧郡  
隸之

崑山

前京

文帝

開皇  
九年

蘇州 罷吳州及  
信義郡改  
吳郡為蘇  
州并罷南  
徐州俱屬  
揚州行臺



	十八年		
	燬		
	崑山	崑山	省前京縣 入常熟
二年	吳郡	崑山	
揚州郡領吳崑			
吳郡山常熟烏			
程長城			
元年	大業		
吳州			
改吳州為			

	九年	唐高祖	
	徐州隸徐州		
	吳郡總管		
		沈法	
		興據	
	三年		
	李		
	通據		
	崑山		
四年	蘇州		
降唐改郡			
爲州領縣			
四			
杜伏威平			
子通以地			

松江府志  
卷之二  
松江府志  
卷之二



六年	輔公 祐據			
七年	蘇州 平公祐設 四州都督			
九年	潤州 罷都督 屬潤州			
太宗	江南道分天下 貞觀蘇州為十道 元年	崑山	析前京地析前京地 仍歸海鹽仍歸海鹽	仍歸海鹽

中宗	揚州 設都督府 蘇州隸焉			
景龍二年				
玄宗	江南 分天下為 十五道			
開元二十一年	東道 蘇州			
天寶	江南 改蘇州			
元年	東道 為吳郡			
天寶				
五載				

始建青龍  
鎮即今舊  
青浦治

松江府志 卷之二



十載		肅宗 江南 <small>復改吳郡</small> 東道 <small>為蘇州</small> 蘇州 <small>蘇州</small>	乾元 浙西道 蘇州 <small>蘇州</small>
崑山移治于馬鞍山	始割 崑山 <small>嘉興</small> 華亭地 <small>海鹽</small> <small>縣地立</small>		
	華亭地		
	華亭地		
	華亭地		
	華亭地		

代宗 <small>大曆</small> 雄州 <small>州領七縣</small>	十四年 浙江道 <small>合東西浙</small> 雄州為一道	德宗 <small>建中</small> 浙西道 <small>復分二道</small> 蘇州仍名蘇州	憲宗 <small>元和</small> 鎮海軍 <small>置節度使</small> 陸浙西道



武宗	會昌四年	僖宗	乾符四年	昭宗	乾寧四年	後梁
			王騰竊據		錢鏐拔之	吳越 錢氏擅號 陞蘇州為 中吳府又 于嘉興置 開元府華 亭屬之
陞華亭 為上縣						華亭

後唐	後晉	後漢	後周
吳越 錢元瓘稱 藩于唐罷 中吳府開 元府并 屬中吳	高祖 吳越以嘉 興海 錢元瓘奏 秀州	吳越 秀州	吳越 秀州
華亭	華亭	華亭	華亭

松江府志 卷之二 華亭



宋太祖 江南道  
開寶秀州  
八年

太宗 兩浙路 錢俶納土  
太平 秀州 分天下為  
興國 十五年  
三年

神宗 浙西路 吹州為軍  
熙寧 平江軍 兩路尋復  
七年 合為一

八年 浙西路 復  
分

華亭

華亭

上海鎮置  
提舉市舶  
司

徽宗

大觀 元年

政和 兩浙路 改秀州為  
七年 嘉禾郡 嘉禾郡

宣和 兩浙路 復為  
三年 秀州

九年 兩浙路 復  
合

華亭

華亭

置監鎮理  
財官于青  
龍鎮治水  
利兼領市  
舶



年	十五	元世祖 至元十四年	寧宗 慶元元年	高宗 紹興九年
		嘉興路 陞府為路 領府一日華亭 華亭	兩浙路 陞州為府 領嘉興海鹽華亭崇德四縣	
	松江 改府名	華亭 始立府	華亭	
		華亭		
				罷上海 市舶司

二十九年	九年	泰定帝 三年	文宗 天曆元年	順帝 至正十六年
		都水 罷府	松江 罷司屬府	張士誠 據
		庸田 立司屬嘉興路		

分華  
亭東青龍鎮市  
北五船司罷屬  
上海  
鄉為上海  
縣

松江府志 卷之一 十一



三十一年	嘉靖二十一年	十九年	七年	三十
世宗	明 太祖	明 世宗	明 太祖	明 世宗
	直隸	南京	直隸	南京
	十四府四州	遷都後稱	十四府四州	遷都後稱
	師曰直隸	為南直隸	師曰直隸	為南直隸
	松江	松江	松江	松江
	華亭	華亭	華亭	華亭
	華亭地	華亭地	華亭地	華亭地
	上海	上海	上海	上海
	青浦	青浦	青浦	青浦
	分華亭上	分華亭上	分華亭上	分華亭上
	金山	金山	金山	金山
	始建	始建	始建	始建

知府王立中以地歸明

華亭西北境上海西華亭南境

金山 始建

青浦 縣治 鎮 青龍

三十一年	二年	神宗	萬曆元年	本朝 世祖
三十	二年	神宗	萬曆元年	本朝 世祖
				江南
				布政司
				改京為省 所隸仍舊
				松江
				華亭
				華亭地
				上海
				青浦
				復建 縣移 治唐 行鎮
				金山

婁 析華亭置附郭




分野

歷代星書皆以斗牛爲吳越之分野雖互有異同而大要不出乎此松江本吳地故具列占驗以俟知星者攷

焉顧志

松江古吳地揚州之域上屬南斗

按周禮保章氏註斗牛女屬揚州漢京房張衡云吳越會稽揚州入牛一度史記天官書云吳楚之疆侯在熒惑古爲烏衡淮南天文訓云須女爲吳爾雅及正義云南斗牽牛吳越之分野傳記雖雜出不同然西漢地里志曰吳地斗分野也越地牽牛婺女之分野也松江居吳之正東則爲斗之分野無疑 陳志

吳郡志云揚州上屬星紀

按揚州在江淮之間地連千里星紀牽牛乃吳之分野斗日月五星之經始故曰星紀帝王世紀曰黃帝分星



次牛十一度至婺女七度曰須女又曰星紀于辰在丑  
 謂之赤奮若於律為黃鐘漢蔡邕曰斗六度至須女二  
 度為星紀費直曰斗十度至女五度為星紀晉天文志  
 曰自南斗十二度至須女七度為星紀吳越之分野明  
 桑悅曰須女虛危玄枵也青州分野自濟達河其象為  
 天津絕雲漢之陽而岱宗為十二諸侯之府比於星紀  
 與吳越同占南斗牽牛星紀也吳越揚州分野南斗在  
 雲漢下流當淮海間為吳分牽牛去南河浸遠自豫章  
 迄會稽南粵嶺徼為越分蘇松吳地屬於南斗無疑謂  
 之星紀者日月五星之所經始者耳不可為揚州之分  
 星也

陳志

### 宋兩朝天文志天市東垣南第六星曰吳越

### 石氏星經云斗星七其杓上衡下為權主吳分野

春秋緯文耀鉤曰蒙山以東至於南江會稽震澤徐揚  
 之間之州屬權吳所直連跨數州松實吳地是知天文  
 之權星乃吳分野矣

春秋魯公三十二年夏吳伐越史墨曰不及四十年越  
 其有吳乎越得歲而吳伐之必受其凶 漢孝景二年  
 七月丙子火與水晨出東方因守斗占曰其國絕祀斗  
 吳也三年吳連七國反吳王亡走國除 東漢熹平元  
 年十月熒惑入南斗中占曰熒惑所守為兵亂斗為吳  
 其十一月會稽賊許昭聚眾自稱大將軍 符堅議寇  
 晉太子左衛率石越對曰今歲守牛斗福德在吳懸象  
 無差未可犯也符融曰歲鎮牛斗吳越之福不聽大敗  
 而還 隋大業九年五月熒惑逆行入南斗色赤如血  
 如三斗器光芒震耀長七八尺於斗中勾已而行占曰  
 有反臣兵大起斗吳越分 唐建中十九年三月熒惑  
 入南斗色如血斗吳越分色如血者旱祥也 大曆十  
 年正月歲星熒惑合于南斗占曰饑旱吳越分野當之  
 光化三年十月太白鎮星合於南斗占曰吳越有兵  
 宋建炎初國步艱虞占者望斗牛間有紫氣既而高  
 宗移蹕維揚是歲冬十月孝宗生於嘉興其驗如此  
 明王禕分野論略曰分野視分星古不謂地也地有彼  
 此之不齊而分野在天則一定而不易分野者指列星  
 所屬之分而言也鄭氏所謂星土星所主土是也其國  
 在此而星則在彼彼此若不相配而其為象未嘗不相



屬非地之在北者其分野在天亦居北地之在南者分野在天亦居南也易不云乎在天成象在地成形水火金木土其形在地而天有星焉所謂象也故夫齊吳燕宋韓周秦魏越諸國之地地之形也而其星在天之象之謂亦非後世有是名而舉以為分野之名也

明祝允明曰天文圖紫微垣帝王所居太微垣朝會明堂天市垣行幸所在斗牛在丑吳越分揚州玄枵之次今人以為吳越在南星紀在北所以相配之理未明不知斗為南斗六星非紫微垣前北斗蓋星一度計三千餘里斗在吳何疑

疆域

松江雖名富饒郡其實古一縣爾分而為二庸賦日滋而封域猶故也觀於此可以知民力云顧志先王辨方居民相其廣狹則任土之制于是乎出松郡僅踰百里而建四縣非地大難治而繁劇日加也攷疆域辨形勝列鄉聚離合之宜可觀矣

松江府境東西一百六十里南北一百五十二里東至大海一百里西至蘇州府長洲縣界六十里南至金山衛濱海七十二里北至蘇州府崑山縣界八十里東南至青村千戶所濱海一百十里西南至浙江嘉興府嘉善





縣界二十七里東北至蘇州府嘉定縣界一百八里西  
北至蘇州府崑山縣界八十里自府至省城八百里至  
京師三千八百二十五里

華亭縣附郭廣七十八里袤八十一里今分建婁縣廣袤  
率減其半東至語兒涇上海縣界一十八里西與婁縣  
分界南至金山衛濱海七十二里北至五里塘婁縣界  
五里東南至青村所濱海一百十里西南與婁縣分界  
東北至七寶鎮上海縣界五十四里西北至二里涇與  
婁縣分界

婁縣附郭東與華亭縣分界西至泖湖青浦縣界一十八

里南至金山衛七十二里北至塘橋青浦縣界一十五  
里東南與華亭縣分界西南至楓涇鎮浙江嘉善縣界  
四十五里東北至七寶鎮上海縣界五十四里西北至  
鍾賈山青浦縣界二十七里

上海縣在府東北東至川沙堡濱海五十里西至七寶鎮  
青浦縣界三十六里南至閔行鎮華亭縣界七十二里  
北至柵橋嘉定縣界一十八里東南至南匯所華亭縣  
界八十里西南至莘庄鎮華亭縣界三十六里東北至  
吳淞所嘉定縣界十八里西北至蟠龍塘青浦縣界五  
十四里自縣治至府城九十里至青浦縣九十里



青浦縣在府西北東至七寶鎮上海縣界五十四里西至  
 澱山湖蘇州府長洲縣界四十二里南至鳳凰山婁縣  
 界二十里北至白鶴江蘇州府嘉定縣界三十五里東  
 南至泗涇婁縣界四十里西南至金澤浙江嘉善縣界  
 四十里東北至楊林寺蘇州府嘉定縣界五十四里西  
 北至千墩港蘇州府崑山縣界三十六里自縣治至府  
 城五十四里至上海縣九十里

形勝

後辰九峰前襟黃浦大海環其東南長泖繞乎西北蓋一  
 都會云

南幹分龍滄溟獨盡枝龍結秀突乳稱竒

地脉賦

松郡自南龍分派以天目少祖連岡疊阜之勢斷落平  
 疇遇海而止從浙入者循海塘起北斡山從吳間入者  
 渡湖水起澱山累累數峰孤秀  
 清立人文甲於中原有由然矣

川原沃衍有海陸之饒珍異所聚故商賈並湊

吳郡志

松江古華亭水淖而清山孺而淨

九域志

川流綉錯則壤稱腴

松江府圖經

水出震澤道經松江東北入海地富穠民素饒漁鹽之利

松江府前志

松江水國之勝東江遶其南吳淞附其北合流踰口以入  
 海實七郡之關鍵

水利考



松江府志 卷之一  
鄉保

府界十三鄉鄉次有保有里有村而里之統民衆今則有保有區有畝畝爲一里而里之統民寡此其不同者列今志而係村里之名存舊也顧志

華亭在唐時管二十一鄉後分割於崑山嘉善止管十三鄉復分五鄉爲上海縣分三鄉之半于青浦縣今又分爲婁縣止管二鄉及四鄉之半

仙山鄉在縣南

一名昌唐

七保八保隸焉

舊里六

仙山鎮亭

新涇少平

柘湖臨湖

村六

望湖

花林

湖光可老

七保管區一畝十五

舊管區五畝四十一今一區二區三區分隸婁縣止管四區五區

八保管區四畝二十四

雲間鄉在縣東南九保至十二保隸焉

舊里四

招賢雲間

白苧村十

招賢永和

習義鶴鳴

成慶思賢

興福招安

秦平林

九保管區二畝十五

十保管區二畝十八

十一保

管區二畝十六

十二保管區四畝三十

白沙鄉在縣東南十三保至十五保隸焉

舊里三

白沙橫林

九稜村十

十義永安

道安曲水

德升文興

思仁歸化

仁福陳

十三保管區五畝二十九

十四保管區四畝四十

十五保管區五畝六十三

華亭鄉在縣東北三十五保至三十七保隸焉

三十五保今分隸婁



縣青 舊里二華亭村七延壽 敦孝 吳江 崇道  
浦 旗亭 舜鶴 蓮塘 臨成

三十六保管區七五十三 三十七保管區一六

舊管區三二十一今二區  
二區分隸婁縣止管一區

集賢鄉在縣西北顧陸諸賢居此故名 三十八保至四十保隸焉三

八保今分隸  
婁縣青浦 舊里四集賢 萬安村五富順 興霸  
安榮 美賢 清德 安平 新成

三十九保管區二十一 舊管區二二十一今一區九  
西內一六共六十一區隸華亭餘五十一區隸婁縣二區鄉二十一區

鄉四十一共八十一區共五十一區隸華亭餘四十一區隸婁  
四十保管區一舊管區二今  
分隸婁縣止管一十一區

婁縣管二鄉及四鄉之半

風涇鄉在縣西南一保至三保隸焉

舊里三風涇 涂繆村八永康 白鶴 戴  
養民 安善 慶仁 崇化 南魯

一保管區三二十六 二保管區一十二 三保  
管區三二十七

胥浦鄉在縣西南浦伍胥所鑿故名上有祠 四保至六保隸焉

舊里五胥浦 壇步 平江 村九花緒 義成 浦曲  
朱涇 冶宅 永福 慕德

望湖 欽仁 桃

四保管區四三十二 五保管區三二十五 六

保管區二二十二

仙山鄉在縣南分華亭七保區三二十六 一區至三區



華亭鄉在縣東北分華亭三十五保區二畝十七一區三區

十七保區二畝二十五二區

集賢鄉在縣西北分華亭三十八保區四畝二十三二區至五區

區三十九保區二畝九一區鄉二畝鄉四畝七畝八畝十二畝二區鄉一畝鄉三畝

六畝北四十保區二畝二十五內一區南內二畝仍隸華亭

修竹鄉在縣西一名谷陽四十一保至四十三保隸焉四十二區保全隸

青浦 舊里三濮陽 儀鳳 村十二 景全 望雲 福全

降鶴 文欽 道典 花榮 鳳儀

四十一保管區四畝四十七舊隸華亭管區七畝六十七後分五區至七區隸青

浦止管一 四十三保管區六畝三十四一區至三區區至八區

區五區分 隸青浦

上海縣管五鄉分三鄉於青浦今管二鄉

長人鄉在縣南一作長仁十六保至二十一保隸焉 舊里三

長人 將軍 村十二水濱 鳳來 思政 太平

高陽 衆善 利興 袁 徐

十六保管區五畝三十七保管區六畝三十三

十八保管區四畝四十二十九保管區十三畝八十

九 二十保管區四畝二十七 二十一保管區四畝

二十六

高昌鄉在縣北二十二保至三十保隸焉 舊里四高昌 橫塘



盤龍村十五 承福 歡樂 順義 連榮 麗青

三林 利仁 永泉 成德 梅香 上德

通濟 望仙 人寵

澹井 龍萃

二十二保管區四十四二十五二十三保管區二十四十

四八二十四保管區四十四十一二十五保管區一

十四十二二十六保管區二十四十五二十七保管區

一十四十一二十八保管區二十四十七二十九保管

區一十四六三十保管區二十四十一

青浦縣分華亭三鄉之半上海三鄉共管三鄉有奇

北亭鄉在縣東北三十一保至三十四保隸焉 三十二保

舊里三 崧子 北亭 村十六 典禮 江浦 徐興

封林 欽 安吳 法同

候潮 徐安 東袁 長平 長林

仁孝 萬 東王 東蔡 東張

三十一保管區二十四三十三保管區二十四七三

十四保管區四十四

華亭鄉在縣東分華亭三十五保區二十四十五 原分第三區今改為

一區

集賢鄉在縣東南分華亭三十八保區五十四二十六 原分

一區

六區至九區今改為一區至五區

修竹鄉在縣南分華亭四十一保區三十四二十 原分五區

至七區今

改為一區 四十二保區八十四十七 一區至

八區 四十

三保區三十四十六 原分四區五區今

改為一區至三區



新江鄉在縣東北四十四保至四十六保隸焉 舊里仁

新江 新安 沈 許成 道  
村十二 張 常安 永安 道成 興善

永豐 四十四保管區二箇四 四十五保管區四箇

十八 四十六保管區四箇十三

海隅鄉在縣西北四十七保至五十保附焉 四十八保 隸嘉定

舊里二 蘊士 子傳 大盈 曲盈 仁德 仁  
村十一 漢成 順化 公勝 內勳 梁統 和

仁和 時清 望江

四十七保管區一箇十一 四十九保管區四箇十九

五十保管區八箇二十

松江府志卷之一 終

松江府志卷之二

山

府境諸山自杭天目而來纍纍然隱起平疇間長谷以東通波以西望之如列宿排障東南涵浸滄海煙濤空翠亦各極其趣焉而九峰之名特著故首列之 九峰中惟天馬佗山最高玉屏斯下矣崑山又下於玉屏此有目所見也舊志稱干山七十丈玉屏九十丈崑山乃一百五十丈豈其然乎故不計其丈尺機山最西北云去府二十里細林近東南乃二十五里况竹嶼浮蘇在滄波浩渺中誰能測之故不詳其道里然其槩亦略可





見矣顧志

禪宮仙館今昔詩文并綴於山之下

陳志

元陶宗儀曰長谷以東通波以西九山離立如幽人冠帶拱揖狀此九峯所以稱也

明董紀曰松之山三十有二而九峯特著

明董其昌曰吾松之山機雲以古賢名為名鍾賈盧余以居人姓為名干山以干將名北簪以竹箭名鳳凰天

馬以鳥獸為名神山原名辰山在諸山之東南次於辰位今作神者訛也

元晏鐸九峯行 三徑重開書屋九峯舊隱人家欲辨武陵春色溪流泛出桃花 曲徑沿流上下蒼苔白石

磷磷落日惟聞啼鳥空山更少人行

明楊基詩 九峯山頭白雲飛飛來化為遊子衣遊子思鄉去不返青天漫漫白日晚 悵悵天河水夜夜東

南流欲知何處去流向九峯頭

崑山府西北二十三里長谷之東陸氏之先葬此後機雲

兄弟有辭學人以為玉出崑岡因各山形圓秀而潤傍

無附麗望之如覆盎然蘓縣名崑山義取乎此因其地

有馬峯山俗誤為崑松人遂以小崑自名其實非也顧志

晉陸士衡詩云髣髴谷水陽婉變崑山陰又潘尼贈陸

機詩云崑山何有有瑤有珉穆穆伊人南國之紀則名

已在機雲前矣登者從西北攀躋而上有閣宏敞可眺

泖湖其半有讀書臺婉變草堂白駒泉僧供二陸先生

至於佛殿之西軒其巔為泗州塔院三聖閣下瞰大泖

在几席間梵燈漁火隱現于蒼煙杳渺中茲山兼以水



勝也

陳志

晉陸機詩 孤獸思故藪離鳥悲舊林翩翩游宦子辛  
苦難為心彷彿谷水陽婉變崑山陰營鬼懷茲土精英  
若飛沉寤寐靡安豫願言思所欽感彼歸途艱使吾怨  
慕深安得忘歸草言樹背與襟斯言豈虛作思鳥有悲  
音

宋唐詢詩 昔有人如此茲山得美名巖扃鎖積翠谷  
水斷餘聲喬木今無在高臺久已傾如何嵩嶽什獨詠  
甫侯生 王安石和 玉人生此山山亦傳此名崖風  
與穴木清越有餘聲悲哉世所珍一出受歌傾不如鶴  
令名猶如產美璞遂爾傳嘉聲寒巖蓄奇秀源水日東  
傾何言千載間二子不復生 元王良追和 茲山孕  
奇秀因人得佳名人去山亦枯竹柏藏秋聲寒泉湛空  
碧石穴儼不傾焉知千載後豈無君子生 段天佑追  
和 九峯三如筍茲山竟誰名不見玉生處惟聞鶴唳  
聲澗下泉東注崗頭日西傾  
我思古君子倚杖暮愁生

元凌富詩 九峰西峙比崑崙晉代將軍墓  
尚存今日捫蘿登絕頂桑丘麥壟自村村

征北遺碑

宋許尚詩 崎嶇尋古隧衰草隱  
寒原欲讀將軍事豐碑祇半存

二陸故居

在崑山之陰元至正間邑人曹慶孫訪其故  
址請于行省建二俊祠四川劉子青撰記并

為辭歌  
以祀焉

宋林景熙訪二陸故居詩 風流懷二陸才名動三吳  
斯人不可作千載埋烟蕪當時騁俊筆萬象爭先驅有  
如明月璧美價傾洪都世運無反覆韞匱真良圖惜哉  
去就乖毀此千金軀人生皆有死百年同須臾獨遺文  
字芳乃與天壤俱嗟嗟崑山寒冉冉谷水枯白鶴久已  
寂黃犬誰能呼荒祠挂夕陽扁舟入菰蒲采蓴薦秋水  
庶以明

區區

明陳繼儒宿崑山二陸祠詩 精翠遙含最上乘草堂  
殘壁半垂藤一時兄弟真豪士千古蘋蘩但老僧松偃  
空壇巢野鶴客留深竹話孤燈明  
朝更有黃花約山下扁舟到未曾



二陸祠乞花塲

明王世貞記

崑山為吳屬邑中有山

華亭之西南十八里乃真為崑山今以崑山之為邑故  
辱之曰小崑山是故婁侯陸遜之孫機雲所讀書處也  
然其大實不能當馬鞍之半而又以地偏而水迂不為  
使輻游漿之所便習今年丙戌春友生徐孟孺陳仲醇  
游焉其陞始露更上數十武為石墪而郡之所誇九峯三  
游者悉歸焉二子樂之挾墪而下與偕東過一庄野楚  
楚僧曰是鄉老陳姓之室也業且售之無為主者問其  
值止可三十金二子曰士衡不云乎彷彿谷水陽婉孌  
崑山陰即此地也夫誦其詩不知其人可乎請售其地  
而祠之置丙舍以歲時賡和讀書其中太原王辰玉聞  
而欣然為助其不給乃稍稍更飭之其居前俯清流左  
右壘黃石為短垣其陽獨闢樹榭藩之日榭垣中有堂  
三楹頗整觀斑竹千竿擁之蒼翠襲几席曰湘玉堂側  
室蕉數本輔之曰蕉室中奉二陸王曰二陸香火處祠  
之後左偏石巖高可數十丈空濶瑰奇石楠十餘樹震  
之石皆作紫緋色日赭石壑竹後小池蜿蜒至屋角  
盡蘋藻空明儵魚出沒日啣斗灣出榭藩門則所謂清

流者其淺可以菱菱熟則紅如夕霞日紅菱渡渡之東  
板橋橫焉左右多垂楊日楊柳橋稍折而東堰水一區  
方廣三畝馴鶴浴之沒不能蹙日洗鶴溪斑竹之餘勢  
上延山椒芟其繁者得地而亭曰花麓亭湘玉堂之陽  
與祠之左為廣塲且六畝二子念欲雜蒔諸花卉實之  
而蒙裝澁矣乃自草疏請諸戚執曰為我塗澤此石者  
花為我映帶此水者花為我挽客趾者花為我娛二陸  
先生之靈者花即捐花而惠之百不為多一不為少稱  
意而已俟花成當日之日乞花塲塲之右方有井列而  
井亦前日之曰澆花井而屬山人為記夫以二子之所  
偶游而得真崑山以崑山而得士陸之遺踪於千載之  
後起哀鳧腐骨而聲施之久絕之血胤一嘘而熒然復  
覩香火茲非文士厚幸哉雖然藝文一技耳能使千載  
之後若新而况不但為藝文者又當何如也於是呼筆  
紀之而致花  
十種於塲

橫雲山在崑山東北本名橫山天寶六年易今名或云以

陸士龍名也山多古墓勝國時嘗遭發掘獲器物甚多



輟耕錄所記古銅水滴號神人獅子者亦出於此蓋陸氏物也其巔有白龍洞潛通澗湖深不可測下有祭龍壇歲旱禱焉宋皇祐中浙西旱蝗華亭令吳及禱于此立致其澍蝗不入境今山陽采石闕然成窪如失向日近歲府同知張什下令禁之然山民力田不給以石為生未能止也

顧志

山中古塚累累世傳以為多晉陸氏所葬元至正二十四年有封姓者發一塚磚上有太元二年造五字按太元乃東晉武帝時計九百十餘年矣塚中得古銅器二百餘內一六滴長五寸高四寸作獅子昂首軒尾走躍

狀一人面部方大髭髯飄蕭騎獅子背左手握無底圓桶右手臂鷹腦心為竅以安吸子吸子微頂大正蓋腦心儼一席帽古人衣褶及獅鷹毛羽種種備具通身青綠吸子渾若碧玉其製作非晉人所及知為漢器無疑

或即陸氏所殉葬也

陳志

宋黃庭堅過橫雲山渡長谷詩 雲橫疑有路天遠欲無門信矣江山美懷哉 譴逐竟長波空泳泛佳句洗膠昏誰奈離愁得 村醪或可尊

元凌岳詩 七峯首率擁層巒偃蓋孤松石上蟠行雨白龍何處去暮雲深鎖洞門寒 元錢惟善詩 兄弟詞華不世逢青山相對若為容洞門深鎖烟嵐濕猶指空壇祭白龍

白龍洞

宋許尚詩 呼吸湖中水山椒寄此身洞門風雨夜電火逐雙鱗



橫雲草堂

元唐涿州居

陶宗儀詩

三泖移居屋幾

浮階鶴夢清剖竹專城施政教懸車故里養尊榮杖藜莫厭相過數好付兒郎管送迎

小橫山在橫雲東中限一水崑然而興上多壘石多萬年

松俗呼僊人澆酒石由絕頂至東北皆峰巒隱起壁立

數仞色盡赭遊人呼為小赤壁盡壁斬然一罅如虎丘

試劍石狀前有石可踞而坐小澗亦九峰奇絕處

也

顧志

山之麓有小山招隱元孫穆所居又傳有僊雲館凝翠

軒為蘇東坡游賞處今渺無跡矣

陳志

明錢溥遊小赤壁和蘇東坡赤壁懷古念奴嬌詞三  
江既入到今來誰是風塵表物秀列九峯非夏口亦有

卅崖翠壁烟鎖平原雲橫積石欲弔情何雪時歸典午

可憐失此雙傑

何異孟德當年艤艦蔽岸一炬東風

發萬古功名同一夢祗有文章難滅夜靜江空猶

聞鶴唳聳起人毛髮坡仙如在要分兩處風月

明錢福小赤壁歌五茸西來橫九峯一山翠峩峩峯之

中上有石鼓大如斗扣之應響聲鏦鏦下有赤壁山削

立如崕峒徘徊登覽意未已千態萬狀模其容初疑伏

羲定八卦河洛之象留其蹤又疑神農嘗百草吐出一

點青芙蓉更疑大禹疏鑿施神功波濤洶湧鯨鯢碎怒

驅六丁板出天地骨一柱鎮壓吳江東蒼苔何茸茸石

澗何溶溶黃猿夜嘯嶺頭月白鶴晝唳巖前風自想老

夫狂遊四海五湖二十載誰知此山之趣真無窮此山

之趣真無窮何

日結廬依古松

明曹時信赤壁行

黃州赤壁天下奇蘓翁挾睿清秋

時洞簫吹月泣蛟蜃星躔乃在牛斗墟吾松却居斗之

隅峭石立水枯而癯莓苔古秀稜角歌聳削臃腫摩紫

泥盤盤飛鶻上無涯青莎碧草深葳蕤清風入松如龍

嘘簌簌楚楚恒吁嘻暮春之月日日奇蘭撓順流聊自

嬉尋勝陟幽僧願隨挈壺持壘相差池晚日東景紅陸



離扁舟浩笑吾歸矣衆賓聚首河之湄送我携酒還進  
卮吾壘如笮君莫唾鶴亭鶴去餘荒基東月炤醉影離  
披扶醉放船喧鼓鞀中流獨發不可支中流獨發不可  
支浩笑決往吾歸矣黃州雲間名兩馳蘇翁往矣真我  
師嗚呼蘇翁  
往矣真我師

明許維新詩 叙云吾觀志稱橫雲其名未為不雅山  
色本赤易而從赤壁甚無謂同出開關各得姓名舍此  
就彼豈合應聲乎 吳楚黃磯大合兵東風吹  
火戍烟平青山染盡英雄血不忍重題赤壁名  
明董其昌詩 叙云吾郡九峯之間有小赤壁予頃過  
齊安至赤壁下其高僅數仞廣容兩亭耳吾郡赤壁三  
四倍之何以小為因為解嘲 吾松山有九皆以海為  
沼東海既以大赤壁安得小風定秘精靈雲門削鬼巧  
口鼻闢嶙峋鱗角呈天矯雖無須彌寬未可培塿眇而  
我遊齊安何由凌縹緲時平兵氣消霜落江聲悄迴思  
平原鶴誰是枋榆鳥歸語東陽生扶筇事幽討石言曾  
莫逆壁觀習枯槁田成球琳賦屋用辛夷繚太守握紅  
雲冠幘山容好嘉名公等錫一壑從予保手寫  
大江詞峨眉翠可掃敢應北山招終事東坡老

明錢福補十峯詩 序云九峯名松各有勝槩而瘦石  
繡苔如小山石壁者蓋少定翁鶴坡緩齋借予登而偉  
之遂進其秩躋為十峯壁靈其服諸無忘效奇霈澤助  
我聖天子以享吾羣英鑒賞於萬萬年也彼或爭名嫉  
秀讓我以擅爵吾得請命於藏垢納汗者焉若日地靈  
人傑而一言為終古軒輊則吾豈敢 何年秀氣天所  
鍾壁立瘦骨支蒼穹一起一伏騰虬龍放鶴亭前十八  
松况有石鼓聲鏗錡豈應溟落橫雲東天地之數始必  
終何獨恡此於吾松便須挿  
脚入九峯九老唯唯咸心從

機山在橫雲後南北相望以陸士衡得名山下有平原村

亦以機為平原內史也前有陂澤人家散布汀岸隱然

若圖画云 顧志

圖經云崑山之北又有機雲兩山以兄弟得名 陳志

元凌岳詩 六峯喬木鎖雲根青接平原數  
里村此處無人來聽鶴海靈山鬼哭黃昏



元錢惟善詩

煙迳雲林樹色昏千尋喬木

見名門橫峯亦有尚書墓只醉平原內史寬

元陶宗儀機山懷古詩

昭侯功業在人間二俊文章

若可攀西洛竟從王穎辟秋風不逐季鷹還平原村迥

家山靜華表雲深鶴夢閒有客

臚舟來吊古空林落葉雨潛潛

平原村

平原村廣百畝澗居其半多葦蓼蒹葭之屬

海鷗出沒漁子往來曲徑小橋縈迴窈窕若不可測何

孔目元朗望平原村有句云平原勝業久蓊蕪獨有青

山枕碧湖水滿野塘花自發雲迷別浦鶴相呼張世美

亦有吊平原村賦

陳志

干山在機山東有水紆迴從橫雲來經山下北去郡諸山

之最高大者以形如天馬稱為天馬山其曰干者或傳

干將曾此鑄劍舊圖經則云有干姓者居此圓智寺記

亦謂山後皆干氏所有故名山上多琳宮梵宇春時遊

人甚盛画船鼓吹遙從綠野細水中來纏纏不絕嶽祠

之側有來鶴軒其西穿堂當小山石壁若屏障然右瞰

泖湖一白萬頃凭高凝竚恍然如隔世外云山頂有雙

石魚相傳風雨化去其脇有泉遊人掬以頰面云能明

目

顧志

相傳二陸草堂在圓智寺為士衡讀書處山有雙松臺

餐霞館有浮屠七級登覽者極江海之觀故稱干將為

九峰之甲云

陳志



元楊維禎于山志 華亭地岸海多平原大川其山之  
 聯絡於三泖之陰者十有三名於海內者九其一曰干  
 將者九之甲也世傳夫差冢于將其山故云其形首昂  
 脊弓肩髀礪礪狀馬又云天馬焉至正癸卯四月十有  
 八日橫鐵生洪祥駕黑樓舟邀余出南關泛白龍堆北  
 行過沈涇至皇甫林西小溪蛇行六七里抵山麓命謝  
 公履躋峻磴及半山休松溪丹室道士郭某作茗供題  
 詩壁間更肩輿上絕頂藉盤石踞坐視衆山纍纍如子  
 立膝下佛宮梵宇離立於旁瓦次鱗鱗雜出叢樹間桑  
 丘麥畝連綿錯繡儼然朝川畫苑也鳥有婆餅焦者時  
 聲於耳冷風鏘然起松雨滴衣帽使人肌骨慘慄下山  
 祥之外氏張景良請移舟旋山而北若干步斗折三矢  
 地恠石夾插類剖蚌拔土特起類跳狼躩虎木皆鬱迴  
 鳳翥懸碧蘿如縷索有軒四楹名蘿窻掃榻就坐窻洞  
 開野香襲人若芝术木良父梓山公出肅客醪客於軒復  
 出子羅拜公躬奉觴為子壽子復觴之曰劫灰一吹十  
 年無地不焦礫公獨在不劫地又時與高人韻士徜徉  
 山水為東南之慶人福地非耶於是主賓交歡酒不計  
 量頽然就醉不覺日在牖西於是夕宿東嶼曹氏玄修  
 精舍明日放舟山南訪黃五全不值又沿流經石氏醉

癡家邂逅捉月公李彬邀予讌蠡石軒筍隱

生余瑾陪飲賦蠡石詩書於東窩夜乘月歸

元凌崑詩 八峯蔥蒨石林幽給事題詩紀

勝遊昨夜僧歸鐘鼓靜一聲鶴唳海天秋

元錢惟善詩 千氏千年居此山題詩給事

最幽閒春濃海嶽開晴色遊子燒香回舫還

明貝瓊于山夜泊詩 一水疑無謝纔通牒子舟連山

分秀色絕境散窮愁行與月相逐卧看天倒流野人應

不識林鳥

自相求

明莫如忠天馬歌 天馬由來出西域騾曩何因至南

國聞道渥洼注產此奇牧向天閑自重譯七寶裝成立仗

儀千金比價連域壁爾時意氣抑何雜棄置一朝曾莫

惜脫銜卸轡溷泥途不走不鳴亦不食我行見之一撫

然獨立山頭心悚惕古今神物本難馴不見秦王昔鞭

石須臾莫遣五丁喚拔却雲根去超軼還言稅駕闔風

巔天長海

濶知何極

明屠隆遊天馬山詩 風日淨娟娟春

湖散綠烟閒同田父語倚樹問豐年



明許維新望天馬山詩 五年湖上此經行  
畫裏青山望裏生 遂使于今將去郡 蒼松白石笑無情

石魚

宋許尚詩 雙鯉何年刻 悠然鬣鬣全 登臨忽懷遠 尺素若為傳

二陸草堂

相傳二陸讀書處 機雲少齊名 兄弟相師

友機年二十而吳滅 退居舊里靜習十年 太康末乃與

弟入洛 故鄭曼季贈陸雲鴛鴦篇曰 鴛鴦美賢也 詩云

鴛鴦于飛在江之涘 和音交暢 拊翼雙起 朝遊蘭池 夕

宿蘭 沚清風翕習 有波蘭 蒹凌雲立 厲載翔載止

陳志

宋沈遼詩

海天寥寥禾黍秋 人籟已息烟霞收 數聲鶴唳草堂靜 何苦更向咸陽遊

明陸樹聲修二陸讀書草堂詩

重開遺宇傍層丘 嬾

變西來谷水流 白日未歸華表室 晴山從護碧蘿秋 只

流不作浮湘賦 詞賦空嗟入洛遊 彷彿舊時埋玉處 懷賢一繫古今愁

龜山祠

天馬山下叅亭舊 有楊龜山先生祠 家時建

郡人林至從遊 晦翁先生之門 刻有龜山叅亭錄疑祠

卽林建山下楊氏向係龜山後世守其祀 改名十忠祠

陳志

五先生祠

明董宜陽記 干山故有二陸草堂 陸學士平泉先生 倡復之矣 乃復謀于國志曰 茲山

自二俊後 寥寥千載 無復嗣響 逮勝國時 始有楊公廉夫 錢公思復 陸公宅之鳴于時 葬于山之東麓 曰三高

士墓 蓋配享以存山中之故實 五先生出處 制行不同 而一時風流 文采自足 輝映來世 增重山川 因立主合

祀 擬以每歲 或上巳 或重九 鳩同志 數人 採毛薦 苙釋菜 祠下以繫 鄉人之思 蓋附在鄉先生之沒 祭于社之

義云

澱山機山西北舊志云在薛澱湖中山形四出如鼇上建



浮圖下有龍洞云通太湖山屹立湖中亦落星浮玉之

類傍有小山初年僅兩席許久之寢長寺僧築亭其上

榜曰明極當時好事者遂即山中所有曰鼇峰塔今寺法堂

地曰龍淵橋曰潛龍洞曰通靈泉橋在山陽洞在山陰泉在山巔宋慧燈禪

師鑿石十六丈得此初名寒穴錢野人曰回經石相傳

西域取經回過湖漂水墮曰白蓮池在小山下與洞吞吐曰三姑

祠在寺傍曰一色軒寺舊東廡十八間皆粉素故名曰徹見閣在法堂後并明

極為十景云今山在平田去湖益遠亭宇塔院蕩為飛

灰僅存數棟耳顧志

澱山有禪寺曰普光王山昔在薛澱湖中有道人登禪

師者始結屋於崑山之西面多漁家自師結菴以來居

人採捕竟日不得魚因就師問其故師曰但以爾舟載

土詣吾山者當遂所願也既而果然自爾遠近歸之積

累既久因以建寺名普光王寺嘗因浮圖放光故為塔

神名號在宋朝有勅封伽藍神相傳秦時邢氏三女謂

之曰三姑陳志

又西北一小山皆石骨名箕山陳志

明王逢游澱山詩 鼇戴小蓬萊方諸宮影開厓根龍

洞關山脉虎丘來疎磬重烟水殘碑半雨苔因之懷故

國游鴈 落清哀三姑祠 在寺傍相傳為秦人邢氏之女孟曰降聖仲



日月華季曰雲鶴能役鬼工以治湖泖故祠之間窻括  
 異云華亭縣北七十里澱湖山上有三姑廟每歲湖  
 中群蛟競鬪水為沸騰獨不入廟中神靈極異向年有  
 漁舟躋湖口忽見一婦人附舟云欲到澱山寺及抵岍  
 婦人直入寺去舟中止遺一履漁人執此履往索渡錢  
 寺僧曰此必三姑也因相隨至殿中果見左足無履坐  
 傍百錢在焉遂授漁人而去

陳志

鍾賈山在干山之東一水左限沈涇塘與廬山對峙相傳  
 以鍾賈二姓得名或以介九峰間故名中介山僅高二  
 十丈周三里一培塿也山之陽有玉清觀壽安寺內有

樓雲樓半雲亭心遠堂皆名蹟寺西陳氏墓垂絲檜二

株徑幾五尺蓋數百年物也郡守熊軫峰題曰嘉樹林

楊樞鍾氏譜叙云九峰之間有儒者曰鍾子鳴其先

與賈姓同隱于壽安山中時人遂以鍾賈名其山鍾氏

世居茲山之陽自唐以來六百有餘歲矣

陳志

心遠堂元高瞻遠詩 種竹期十年栽橘盈千頭雖云

泰宇無畦畛虛室有天遊仁義尚蘧廬道德成安流結

此周覽我志尚可求祇

嘉樹林明王世貞詩 仲冬好風日故出嘉樹林信履

人生貴所適無為懸別心申時行詩 雙檜亭亭歲

月深只今嘉樹表砥林槎枒並挺三霄幹磊落長含萬



古心對面峯巒開晚色隔溪風雨送濤音勿云大厦需材急且傍雲間老碧岑

十井 壽安寺環有十井水極其冽蓋十道菴遺跡也

廬山在沈涇塘疑亦以盧姓得名頽然一丘叅峙於干將

鍾賈間環絡蒼翠不覺其孤山下有水一泓清澈如泉

當華青孔道明萬曆時僧慧解蓮儒建甘露亭隨時施

茗飲薑湯風雨之夕或施燈火行人便之 元至正間

有龍見於廬山雲霧蒼鬱鱗爪分明從西北入于泖澱

明萬曆二十五年五月間蛟起廬山崩西南一角

陳志

明王衡題陸孝廉萬言廬山畸墅詩

輕舟曉出神仙

趾山下人家半流水風光的的武陵源到門依舊平原

里路轉溪迴有不同秋葉髣髴當階紅洞房窈窕路欲

絕飛梁忽跨高樓風樓前參差戛寒竹藤子垂垂挂樹

木人面斜陽映晚鷓鴣背濃烟帶微綠堂前橙柚香輪

囿主人未敢言山貧曲欄深閉五千卷等閒肯示尋常

人山寺無鐘送客別與君坐到身聲歇相携忽過板橋東一笑溪潭半弦月

細林山在廬山南舊名神山唐天寶間易稱細林山元時

僊人彭素雲遍遊名山至武當遇張真人於紫霄宮素

雲執厨汲水苦行三年得授接神鍊氣之旨洪武十四

年至此居焉二十七年八月旦起沐浴更衣跌坐而逝

七日顏色如生又舊有神龕僊館四字是呂純陽書筆

法奇異明嘉靖間為太守吳黃州取去今榜蓋臨本山

有元旌義士夏椿墓上有石碑有素翁僊塚有石洞雲

出其中有崇真道院及晚香亭今廢明萬曆時郡人張



之象於道院側創四賢祠祀張季鷹陸士衡士龍顧野

王陳志

按梁簡文帝有神山銘其序曰神山本名秀林山則秀林乃此山舊名也

梁簡文帝銘 序曰神山本名秀林山或稱辰山在華亭西北二十餘里僻居一方雖非巨麗未經標品而自古神仙往往托跡實震旦之靈阜也余以機暇結駕游衍覽茲佳勝睠焉有懷乃作銘曰閣號天井山稱地維碧雞金馬越瀆梁池懷靈蘊德孕寶含奇此亦仙岫英名遠攤昔有鶯窟不燒淨土邁彼高蹤構茲法宇引葉成帷卽樹爲柱石砌危橫嵯岬斜墜白巘途遠丹源路深長林萬頃頂偉木千尋竹牕看博松間聽琴捐芬蕩累散賞娛襟大通元年歲次庚午春三月十五日題寫  
元凌崑詩 四峯孤聳鬱蒼蒼新構僧廬傍  
野塘林下雨晴春晝暖松花薰得白雲香

元錢惟善詩 神山自昔聳孤岑天寶六年

更細林烟水微萍松寺小綠窻月色照禪心

明錢溥細林八詠序畧 山有元旌義士夏椿墓上有

記石爲義士古碑有僊翁彭素雲墓爲素翁僊冢有石

洞窈而深雲出其中爲洞口春雲有溪潭澄澈如鑑人

於此泛月爲西潭夜月有石井源深瑩大旱不竭爲

丹井靈源有不灘漾沙日光射之星點點如金爲金沙

夕照有道院曰崇真居民聽其鐘聲以爲作息爲崇真

曉鐘有亭曰晚香夏友支蒔菊之所亭廢而基存爲晚

香遺址陳君廷璧列爲八景播紳王達姚綬卞榮張弼

曹時和時中張寧周鼎次第咏之 義士古碑 寂歷

空山馬鬣荒殘碑三尺帶恩光輕財重義清名在落日

秋風古桂香一代衣冠塵土盡百年文字雨苔蒼不須

拂拭頻興感峴首燕然亦渺茫 素翁仙塚 坐破蒲

龕出死關神辭金闕載雲間綸音直欲求真跡使節曾

煩住此山收拾冊砂歸鼎內祇留虛塚在 人間共傳月

裏雙華表夜靜常時見鶴還 洞口春雲 洞中元氣

靄春晴洞口閒雲日日生兩意常時催舞石碧桃何處

隔吹笙或成五色天章爛忽變回品柳絮輕黃鶴不歸

山寂寞悠悠千載有餘情 西潭夜月 寒日澄潭萬



頃波涼風一曲羽衣歌  
 回船美酒呼龍伯  
 玉杵長生搗素娥  
 鷗鷺灘晴漁火澹  
 芙蓉洲冷露華多  
 秋來直欲通宵醉  
 白晝歡娛有幾何  
 丹井靈源石上仙  
 翁煉丹井嘗聞初鑿費  
 神功轟雷一夜山  
 根破修綆下尋海  
 脉通玉甃春和浮  
 沆瀣銀牀秋冷落  
 梧桐誰能汲取餘  
 波飲飛舉還生兩腋  
 風金沙夕照蒼蒼  
 落日照蒹葭紫氣  
 分明護淺沙  
 浦地黃金買餘景  
 一川流水送殘霞  
 洪爐未就長生藥  
 羲馭難留不返車  
 惆悵遂聲何處起  
 西山回首滿歸鴉  
 崇真曉鐘山色蒼  
 茫茫啼曙鴉  
 鐘風引出仙家丹  
 爐夜候香燒盡  
 客路晨征馬去  
 賒秋應一聲霜落  
 早村開萬戶月西  
 斜何人熟睡松  
 窻下枕簟無驚  
 夢九華晚香遺址  
 衰草西風沒舊  
 亭了無寒蝶繞  
 殘馨山中客話  
 當年事地下人  
 懷九日醒滿地  
 落英誰采掇一  
 川斜日白林  
 壠風流已逐浮  
 雲去老我登臨  
 兩鬢星

丹井

宋許尚詩 人與室俱化陰森松竹寒時時見孤鶴於此守神丹

甘白泉

在東麓 明陸應陽詩 泉脉空山側分流入翠筠霏微疑漱玉清澈自瀾塵月照銅餅小蘿

聖碧甃新茶鑄幽賞處龍井定堪隣

四賢祠

明張之象詩 叙云松郡四賢者張公季鷹陸公士衡與弟士龍及顧公野王也余得崇真院

側隙地數弓創造祠宇歲兩祀之以上已重陽亦存三九之義云 羣英接踵應文昌世代悠悠歷晉梁三泖波濤清德里九峯烟雨集賢鄉簪纓不墜儀刑遠竹素猶傳姓字香吾黨敬修蘋藻薦須期上巳與重陽

奈山在盧山東北由神山塘折而東舊傳有奈姓者養道

於此故名按吳興志亦有奈山上有東漢奈將軍廟好

事者遂指此為東奈云其高與干山等東西二峰延亘

數里招提蘭若隱見其中望之穠郁深秀遠近皆宜惟

自富林八曲以入盡得其勝土宜茶有泉名洗心甚清

列顧

志



雲間通志云佘山高八十丈周一十八里上有三菴中為靈峰菴今昭慶慧日兩寺西菴今宣妙寺東菴今普照寺有秀道者塔有山月軒有金沙地芥子菴虎樹亭

陳志

東山多奇石明徵士陳睂公先生隱於此自名其居為神清之室為頑僊廬其上為高齋折而北為清微亭亭之下為水邊林下水石俱勝今漸蕪沒矣

元凌崑詩 三峯高遠翠光濃右列仙宮左梵宮月落軒空人不見野花山鳥自春風  
元陶宗儀詩 同邵青溪俞山月張賓賜於佘山北踰嶺而南訪陳孟剛 桃源只在人間世三老相逢莫問年一櫂歸來潮正落  
溪頭好似米家船

西菴

陳律師所居

靈峰菴

宋許尚詩 路湧金沙地高人此築菴為詢林下客妙語與誰參

洗心泉

明孫作銘 華亭佘山慧日院之東鳳凰山之西南友人夏士良築別業其地墾辟除治得泉穴舍後汪洋其潔不竭不盈因即其坎為池名洗心泉日吾將以是著易徵予銘銘曰鳳之勝蛇之耐浚靈源發玄腴相有德噫何居泮陶泓濡褐徒招羲昌啟榮圖淬鐵擿續韋觚滌遐覽泣墨朱滋吾德神吾書匪斯泉乎

茗葦菴

在頑仙廬西 明董其昌詩 仲舉無心除一室盧鴻有句寫千峯欲參茗葦間中意九點秋

山雨後容

薛山在佘山東中限一水吳地記昔薛道約居此因名山下嘗掘地得石誌曰玉屏山形亦肖故又稱玉屏山下



有羅池產藕甚佳顧志

元凌崑詩 五峯遙隔水村西薛老曾來隱

翠微牧子唱歌樵子遂貪看明月夜忘歸

元錢惟善詩 樵牧數家烟火新月明偏照

水西鄰客來欲問山何姓漫憶青田寫鶴人

鳳凰山在郡城之北圖經云山之鎮曰鳳凰以其據九峰

之首延頸舒翼宛若鳳翥故名東枕通波西連玉屏山

形修峻孤起無附陟半嶺則外山拱揖如與區焉左有

青壁高數十仞如削成其上有虬松古藤蒼森可愛有

二泉曰鳳凰曰陸寶故陶九成有丹泉陸寶秘精靈之

句 衛宗武秋聲集云吾郡諸山以杭天目為祖鳳凰

東飛來自虎林虎林有鳳凰山故以雲間為小鳳先文

節詩云小鳳梳翎倚碧天者此也

陳志

元凌崑詩 一峯雲氣接蓬萊白石磷磷護

碧苔幾向鳳凰池上望不知何日鳳凰來

錦溪橋

在鳳凰山下

元陶宗儀詩

錦溪橋下水平

龍可悲淒漁船桂楫雙雙短酒店茆簷處處低市井荒

涼風景異老鴉啼過亂雲西 公自註寶坊叅政張瑄

竹堂

宋張耒詩

寄題華亭竹堂在鳳凰山下

誰道

不待清風已自寒長伴鳳鳴真自許忽成龍去

慶陽院

在鳳凰山下

山月軒

元華亭俞嘉言允讀書處陶九成書額

貝翔

在鳳凰之麓其屋若干楹蓄書數千卷日諷誦其間夜

至四鼓弗休其勤篤若此或天高氣清海月東出迴視



九峰若青芙蓉然歷歷可數欣然有得因各其軒日山  
 月久之遊京師中進士第擢為行人將命四方西經太  
 華周流終南太白東抵岱眾謂馳傳千里踰越險阻蒙  
 犯霜露非其所堪而嘉言畧無羈旅無聊之色後為吉  
 安幕長改辰州沂大江觀匡廬轉浮洞庭窺蒼梧眾謂  
 幕職位下簿書事煩非其所任而嘉言裁決無滯嘯傲  
 自若如在山月軒時也或以為嘉言遠祖清老嘗有猛  
 虎一聲如山月高之句見賞于蘓文忠公軒之得名其以  
 是歟嘉言屬余以言故書以為記王燧詩九山有  
 月明如鏡月色山光互輝映君家故業隱山中幾度獨  
 吟秋夜靜夜靜山空月倍明看山對月有餘情一輪艷  
 彩河邊轉數點螺鬟天際青自從來作京華客何處却  
 看山月色鳳凰臺下晚春時石頭城畔涼秋夕新月還  
 同舊月華故鄉回首是天涯但喜人生逢賞事那知明  
 月落誰家知君名紀神仙闕桂子含香待  
 攀折行看直舍待花陰未許還山重對月  
 鳳凰山莊 明徐文貞階別業 文貞九日自題詩 九  
 日尊曷何處開鳳巖南下古層臺全生近解  
 莊構說深為  
 衰齡幸不才

庫公山在鳳凰山南與陸寶山隔溪相對昔有庫公隱此

因名 顧志

庫公山周一里高七丈實鳳山之附庸也土宜益盜可

栽蘭竹 陳志

明陸深詩 序云晨登庫公山山形如軸正當鳳喙地  
 理家云丹鳳銜書 丹鳳銜書下九霄分明形勝見山  
 椒先秋古樹蒼黃出 映日高峯紫翠搖稅地澆花人未  
 老買船載酒路非遙 經行更愛清溪曲若個淮南苦見  
 招

陸寶山本陸氏家山界鳳凰玉屏之間山多土少石而土

又美人爭取之今夷為平陸 顧志

元凌崑詩 二峯藏寶樹精神金碧樓臺處  
 處春溪上落花流水遠老翁疑是避秦人



斡山在鳳凰山北顧會浦東上海之境自此始嘉禾志作  
 竹斡俗呼北斡因干山在南又訛為北干舊云土宜美  
 箭故名或傳產鐵今皆無有東鄙壁內一石中斷相傳  
 為干將試劍石始出附會山有玉竇泉甚寒冽有雨華  
 洞宋張頭陀隱居於此元時遊人猶訪之今塞

顧志

元有余瑾亦居此山自號筓隱生幼憂掘地得大小墨  
 數百笏遂善屬文故又名筓山

陳志

元王逢遊斡山詩序云斡山距華亭三十六里土宜  
 美箭故名橫泖襟帶流石叅錯東向壁內一石斬斬中  
 斷俗傳南有干山此則干將試劍石云宋張頭陀雨華  
 洞久塞玉竇泉殊冽寒可味逢交謝逸人守真始獲盡  
 觀山之秀蘊其不群不附殆類古特立獨行之士卓卓  
 物表者逸人自九世祖二十進士仲華韜德於是至今

詩書仁義之澤未艾又居民率多壽考詎非風氣淳厚  
 所致耶逢既遺逸人北丘畊隱歌復表是山書置山僧  
 德成菴壁後有青鳥者流過焉庶逢之言有質也時至  
 正甲辰仲春望同遊詠者謝守真陸綱余寅釋德慧鄭  
 里謝椿地王多儒雅居僧亦不羣泖橫孤嶂立野濶  
 九山分石裂蒼龍氣泉渟玉竇雲蕪巢猶舊月馬鬣幾  
 斜矐童孺樞趨慣朋儕倡詠  
 勤比隣行可接芟製莫輕焚  
 明陸深月夜斡山詩權歌欲停山月吐月影照人清  
 可數疑心已斷壁間蛇壯氣猶驚草中虎清溪曲曲淡  
 不流此月從  
 來猶故我

玉竇泉

宋張耒詩

叙云友人寄雲間玉竇泉聞泉上  
 多紫竹地吉泉其慶所鍾直疑遙與惠山逢

曲肱煩暑都消盡  
 如卧蕭蕭紫竹風

明曹時中九峯補亡詩叙云陸寶山為第二峯其土  
 人爭取之夷為平陸矣今當以斡山補之山頭日月  
 常吞吐山下亂石難名數小者卧伏如群羊大者蹲踞  
 如虓虎生材中矢因得名十笏天留給孤土茲山合補



九峯亡後世  
視今應作古

福泉山在韓山北下皆黃土初因其形似號覆船後以井

泉其美易今名隆然而起僅十餘畝始古所謂息壤也

又北為駱駝墩亦以形似而名又稱為落彈墩古有道

者薛冷雲嘗居此又名薛道山

陳志

柘山府南六十五里在柘湖中山生柘樹因名傍有石

其狀如牛三姑祠實始於此鄉人歲首祀焉而澱山亦

有祠其神甚靈俗因訛此為小澱山云

顧志

吳地記云柘湖周圍五千一百十九頃中有小山

陳志

宋王安石柘湖詩 序云湖中有山生柘故名柘湖  
記云秦有女入湖為神今有廟 柘林著湖山菱葉漫

湖濱秦女亦何事能為此湖神年年賽雞  
豚漁子自知津幽妖窟險阻禍福易欺人

秦山在張堰鎮西俗呼為秦望謂始皇曾登此望海故名

按嘉禾志寰宇記海鹽崑山俱有秦望山亦謂之秦任

又載秦皇馳道在華亭崑山南按三邑封境鄰接諸山

相望不百里以馳道參之豈祖龍俱嘗駐蹕而有斯傳

乎山之陽有僊人洞外僅容址內轉深黑嘗有秉燧人

者行漸寬廣未及半燧而返其巔生異草取藏笥中久

而沐以湯鮮翠如生因名長生草有坑產白堊以音與

惡同因呼白善云

陳志

唐薛據詩 南登秦望山日極大海空朝陽半盪浴晃  
朗天水紅溪壑爭噴薄江湖遞交通而多漁商客不悟



歲月窮振縉迎蚤湖弭棹候遠風予本萍泛者乘流任  
西東茫茫天際帆樓泊何時同將尋會稽迹從此訪任  
公

明張世美觀吳南崖開秦山仙人洞歌 秦山有石洞  
云是仙人居外溢僅容入中窺信有餘洞庭聯絡潛自  
接華陽窈窕深相紆仙人一去秘靈迹洞門差我障巨  
石或傳居民昔避亂移家正脫黃巢日千年靈異豈終  
塞發石開通果誰力秦山山人有偉圖壯志翫麟雄萬  
夫獻書北闕時不達遁跡南崖與日孤長縲縛石時一  
呼笑拍兩手衆來趨雷轟電掣洞門闢須臾自有神靈  
扶吾觀洞門奇自見青霞紫氣紛相絢福地還將林屋  
窺洞天豈必張公羨棋枰酒榼日追逐芒屨藜筇互游  
衍溪迴誤認武陵源舟來多泝桃花片此洞標名本屬  
仙祖龍望海亦當年查公丹井前峯近松子遺踪後寺  
連山人前身疑亦仙千年復來異事傳嗚呼不有鬼斧  
五丁刀掘石  
排松豈偶然

查山在張堰南稍東去秦山十餘里舊名遮錢野人秦定

為查據集僊外傳云查玉成鍊丹海上小山今山臨

海上有浴丹井而鄉名又曰僊山其當為查無疑也顧志

元王逢游查山登虛翠閣詩 仙跡遺丹穴僧坊倚石  
林中宵龍甲雨三日虎蹄泐青薜厓溶立黃茅海色侵

為尋霞上句 鍊杖落清音

元陶宗儀遊查山分韻得日字 雪後天象清維時月  
初吉三老山中居杖藜乘輿出總訝神仙流衣冠兼散

逸叩我東家門造我讀書室主人重流連開尊叙真率  
傾寫間別懷分義等膠漆送別湖梁上悵然若有失快

行莫遲遲猛 虎嗥落日

仁壽禪寺 古刹元趙 松雪書額

煉丹室 宋范成大詩 聞是查仙舊隱居巉峯絕似小  
蓬壺雲深未到採芝洞雨小先尋煉藥爐磻下

草香疑可餌林間虎伏試教呼閑 身儘辦供薪水定肯分山一半無



浴丹井

明張世美詩 憶昔看山逸興生興來今復看山行石泉尚識丹砂舊寺榜猶題松雪名

金山在府東南海水中舊志云去府九十里周康王嘗於

此築城其北即古之海鹽縣後淪於水山有平坡可二

十人坐其北有寒穴

顧志

周康王東游築城南接金山曰金山城去城十里許當

潮勢奔猛處有周公墩蓋古人所築以防海者或因康

王金山城而附會以周公墩耳明初設金山衛以此為

名每歲武臣率兵入山巡邏海寇謂之梭山寧紹諸州

漁人多棲泊其間云

陳志

寒穴泉

宋毛滂銘并序 歐陽文忠公為大明水記云山水上江水次之井為下山水乳泉石池漫

者上然余客東都時日從定力院取井水煎茶此井不知有山泉而味乃與惠山等至衡其輕重則定力之水輕是此井寧皆出山水下哉至載劉伯芻謂水之宜茶者有七等又載李季卿論水次第有二十種惠山泉蓋居第二文忠公以為不然雖余亦不以為然也蓋水之在天下者人能盡知之顧可使不知之水又盡居七等二十等之下乎水之良不過其也一其而第為二十差為七等又遂以為天下無水而高之是當欺我秀州華亭縣有寒穴泉邑人知之者鮮縣令姚君汲以遺余余始知之問此邦人則多不知也取嘗甚其取惠山泉並嘗至三四反覆嘗畧不覺有異是就余所知則惠山寒穴相望裁二百餘里間蓋有兩第二泉矣嗟乎論水者談何容易景祐中相國舒王有和華亭縣令唐詢彥猷寒穴泉詩云神震冽水霜高穴與雲平空山渟千秋不出鳴咽聲山風吹更寒山月相與清北磬不到此如何洗煩醒此泉雖所寄荒寒宜因相國詩聞於時然亦未之聞也余恨前人之論水者既不及知之余欲以告今之善論水者為作銘云泉之顯晦豈亦有數生此寒穴與世不遇美不見錄為汲者惜泉獨知列不計不食



宋唐詢詩 絕頂千雲峻寒泉與穴平還同帝臺味不  
學隴頭聲夜雨遙源漲秋風顛氣清誰云蔗漿美總可  
析朝醒 梅堯臣和 山頭寒泉穴淨若鏡面平熨齒  
敲冰冷貯瓶微玉聲傍有野鹿跡土啼林鳥清何由一  
在挹况復病方醒 明王良追和 石竇出寒冽湛湛  
天影平處靜能自潔不汲元無聲飲之煩熱除鑑此毛  
骨清寄語沉酣者一啜當解醒

明屠隆詩 靈巖開雪竇玉乳冷朝暎瀉落經雲葉流  
來浸竹根將因鑑毛髮兼得洗心鬼坐對真清絕山風  
吹石門

小金山疑在海中楊維禎云予嘗北渡楊子訪金山之勝  
而不知淞之南又有所謂大金小金出沒於雲海之中  
如壺嶠之在弱水外也陳志  
酒瓶山在青龍鎮相傳宋韓世忠以酒勞軍瓶積成山

遺址尚存

陳志

城山舊經云山狀周環如城因名或說干山後一支北引  
曰繩山俗傳天馬韁也吳音繩與城同疑城山或因此  
而誤陳志

巖山青浦志云在縣東南二十里周四里二十二步高四  
十丈今不可攷野記云漢嚴助嘗隱此山陳志

土山按越絕書云春申君治以為貴人塚今嘉禾姑蘇俱  
有之陳志

城山巖山土山未詳所在舊志云城山高八十丈與柰山  
等是干山猶出其下今諸峰歷歷可數安得有此惟柰



山前一支廻繞如牆疑此為城而嚴則未見土山去府西南二十五里則當在朱涇斜塘之間而亦未之聞也或者其陸氏家山之類乎然不可考矣顧志

許山一名焦山在金山東距衛五十八里

浮山

勝山在金山西松郡前志有浮山而勝山不載或云一山而易名爾


竹嶼山距衛東南七十八里在許山左

達岸山距衛東南八十里

蘓山距衛八十八里

洋山一作羊山

右七山皆在海中見於府圖而羊山尤大海船時或至焉



松江府志卷之二終

文政重印



<p>松江府志</p>	<p>松江府志</p>	<p>松江府志</p>	<p>松江府志</p>	<p>松江府志</p>
-------------	-------------	-------------	-------------	-------------

Blank page with some minor stains and a small mark at the top left.



